

<p><b>HELAIAN KETERANGAN PRODUK</b></p> <p>(Sila baca Helaiian Keterangan Produk ini sebelum anda membuat keputusan memilih “<b>IKHLAS Burglary Takaful</b>”. Pastikan juga anda telah membaca terma-terma dan syarat-syarat di dalam Sijik Takaful ini.)</p>	<p><b>TAKAFUL IKHLAS GENERAL BERHAD</b></p> <p>(Dilesenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia)</p> <p><b>IKHLAS BURGLARY TAKAFUL</b></p> <p>Tarikh: 01/12/2018</p>
<p><b>1) Apakah produk ini?</b></p> <p>Sijil Takaful ini menyediakan perlindungan takaful terhadap kerugian akibat kecurian harta anda.</p>	
<p><b>2) Apakah konsep Syariah yang diguna pakai?</b></p> <ul style="list-style-type: none"> <li>• <b>Tabarru'</b> - bermaksud derma bagi tujuan perpaduan dan kerjasama di kalangan Peserta-peserta Takaful dan akan digunakan untuk membantu Peserta Takaful yang ditimpa musibah. Di dalam konteks pihak Syarikat, Tabarru' akan diperuntukan ke dalam Dana Risiko.</li> <li>• <b>Wakalah</b> – merujuk kepada kontrak di mana satu pihak, sebagai prinsipal (muwakkil) membenarkan pihak lain sebagai ejen (wakil) untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan bayaran. Di dalam konteks pihak Syarikat, kami dilantik sebagai ejen (wakil) untuk melaksanakan Perniagaan Takaful, dan fi Wakalah (Ujrah) akan dibayar kepada pihak Syarikat.</li> </ul> <p><b>Nota:</b> Sila rujuk kepada Sijil Takaful untuk maklumat lanjut.</p>	
<p><b>3) Apakah perlindungan-perlindungan / manfaat-manfaat yang ditawarkan?</b></p> <p>Sijil Takaful ini menyediakan perlindungan terhadap kerugian akibat kecurian dan kerosakan harta anda, yang dilindungi semasa di dalam di premis perniagaan atau perdagangan yang timbul akibat:</p> <ul style="list-style-type: none"> <li>• Kecurian akibat pecah masuk atau pencerobohan ke dalam premis;</li> <li>• Kecurian atau sebarang percubaannya oleh seseorang yang bersembunyi di dalam premis tersebut dengan niat jenayah;</li> <li>• Kerosakan bangunan akibat kecurian atau sebarang percubaannya.</li> </ul> <p>Anda boleh melindungi harta anda berasaskan dasar Nilai Penuh atau Kerugian Pertama:</p> <p><b>1. Sijil Takaful Nilai Penuh</b> Dasar ini diambil apabila wujudnya kemungkinan keseluruhan harta yang dilindungi akan dicuri pada mana-mana satu masa. Anda hendaklah memastikan amaun perlindungan adalah mencukupi kerana Sijil Takaful tersebut adalah tertakluk kepada klausa Purata yang mana anda tidak akan ditanggung rugi sepenuhnya pada waktu kerugian jika harta tersebut adalah dilindungi di bawah nilainya. Amaun perlindungan yang betul adalah apa yang anda anggap paling tinggi nilainya yang berisiko pada mana-mana satu masa.</p> <p><b>2. Sijil Takaful Kerugian Pertama</b> Dasar ini diambil jika adalah tidak mungkin keseluruhan harta dilindungi akan dicuri pada masa yang sama. Amaun perlindungan yang dipilih hendaklah berdasarkan pertimbangan anda sendiri.</p> <p>Tempoh perlindungan ialah selama satu tahun. Anda dikehendaki memperbaharui Sijil Takaful anda setiap tahun.</p>	

**4) Berapakah jumlah Sumbangan Takaful yang perlu dibayar?**

Jumlah Sumbangan Takaful yang anda perlu bayar adalah berbeza bergantung kepada pendedahan risiko, Amaun Perlindungan (Nilai Penuh atau Kerugian Pertama) bagi harta tersebut dan keperluan pengunderaitan pihak kami :

Amaun Perlindungan : RM \_\_\_\_\_  
 Kadar dikenakan : \_\_\_\_\_ %  
 Anggaran jumlah Sumbangan Takaful yang anda perlu bayar ialah :RM \_\_\_\_\_

Tertakluk kepada Sumbangan Takaful minimum sebanyak RM100.00.

**5) Apakah yuran-yuran dan caj-caj yang perlu dibayar?**

Berikut adalah yuran dan bayaran yang dikenakan:

Bayaran yang perlu dijelaskan disamping jumlah Sumbangan Takaful

- Cukai yang digunakan tertakluk pada kadar semasa yang dikenakan.
- Duti Setem : RM10.00

Bayaran lain yang termasuk dalam jumlah Sumbangan Takaful :-

- Yuran Wakalah -
  - ✓ Komisen : sehingga maksima 25% dari Sumbangan Takaful
  - ✓ Perbelanjaan Pengurusan : 15% dari Sumbangan Takaful

Bayaran yang perlu dijelaskan jika anda membatalkan Sijil Takaful ini :-

- Yuran Pembatalan : RM10.00

**6) Apakah terma-terma dan syarat-syarat utama yang perlu diketahui?**

**Kepentingan Pendedahan**

- Anda dikehendaki mendedahkan semua fakta material yang anda tahu atau patut tahu; jika tidak, Sijil Takaful ini akan dianggap tidak sah.
- Anda hendaklah mengambil segala langkah pencegahan yang biasa dan munasabah untuk untuk menghalang kejadian pecah masuk.
- Anda mestilah memberitahu pengantara Takaful anda atau pihak kami secara bertulis apa-apa perubahan penting semasa dalam tempoh Takaful supaya perubahan yang sepatutnya boleh disahkan ke atas Sijil Takaful anda.

**Jumlah untuk Dilindungi**

- Kecuali stok, anda boleh melindungi harta anda berasaskan dasar Nilai Pasaran atau Nilai Penggantian –
  - a) Dasar Nilai Pasaran – pihak kami akan membayar kos pembaikan ke atas harta yang hilang atau rosak setelah ditolak amaun susut nilai.
  - b) Nilai Penggantian – pihak kami akan mengembalikan semula membaiki atau mengganti harta yang hilang atau rosak tanpa menolak susut nilai, dengan syarat amaun perlindungan adalah mencukupi untuk menampung jumlah kos penggantian harta anda.
- Sekiranya jumlah yang dilindungi ke atas harta anda adalah kurang daripada nilai sebenar pada waktu kerugian berlaku, anda dianggap untuk bertanggungjawab terhadap perbezaannya dan hendaklah menanggung perkadaran setimpal bagi kerugian tersebut sewajarnya.
- Ekses, sebagai amaun yang harus anda tanggung sendiri sebelum pihak kami menanggung rugi anda;

#### **Waranti Sumbangan Takaful (60 Hari)**

- Adalah menjadi asas dan syarat khas mutlak Sijil Takaful ini bahawa Sumbangan Takaful perlu dibayar dan diterima oleh pihak Syarikat dalam tempoh enam puluh (60) hari dari tarikh permulaan Sijil Takaful ini/ Endorsmen/ pembaharuan Sijil Takaful.
- Jika syarat ini tidak dipatuhi maka Sijil Takaful ini dibatalkan secara automatik dan pihak Syarikat berhak ke atas kadar Sumbangan Takaful secara pro rata dalam tempoh mereka menanggung risiko.

#### **Lebihan**

- Pihak Syarikat akan mengenakan Caj Pengurusan Lebihan (SAC) sebanyak 50% daripada lebihan boleh-agih kasar dari Dana Risiko pada setiap akhir tahun kewangan. Walau bagaimanapun, pihak Syarikat boleh mengenakan caj SAC kurang daripada 50% daripada lebihan boleh-agih kasar mengikut budi bicara dan kesesuaian. Sebarang lebihan boleh-agih bersih (selepas ditolak SAC) daripada Dana Risiko akan diperuntukkan seluruhnya (100%) kepada Peserta Takaful. Sekiranya jumlah untuk Peserta Takaful kurang daripada had yang diperuntukkan, maka jumlah berkenaan akan terus disimpan di dalam Dana Risiko atau didermakan kepada badan amal bagi pihak Peserta Takaful. Kedua-dua had yang diperuntukkan dan pengurusan jumlah berkenaan adalah seperti yang di nyatakan di dalam Polisi Pengagihan Lebihan.

#### **7) Apakah pengecualian-pengecualian utama yang terdapat di dalam sijil Takaful ini?**

Sijil Takaful ini tidak melindungi kerugian, kemusnahan ke atas atau kerosakan yang terbit daripada :

- a) akibat kebakaran atau letupan;
- b) kejadian atau dengan apa-apa perlakuan Peserta Takaful atau mana-mana ahli keluarga Peserta Takaful atau mana-mana pekerja Peserta Takaful atau oleh mana-mana orang yang sah berada di premis itu.
- c) Kehilangan turutan atau kerosakan akibat apa-apa jenis atau keterangan;
- d) Apa-apa akibat daripada peperangan, pencerobohan, tindakan musuh asing, permusuhan (sama ada perang diisytiharkan atau tidak), perang saudara, pemberontakan, revolusi, pemberontakan, kuasa tentera atau rampasan, rusuhan atau kekecohan awam;
- e) apa-apa harta apa-apa kerugian atau perbelanjaan yang mengakibatkan atau timbul dari atau apa-apa kerugian turutan yang secara langsung atau tidak langsung disebabkan atau disumbangkan oleh atau yang timbul daripada radiasi pengionan atau pencemaran oleh radioaktiviti dari mana-mana bahan api nuklear atau dari mana-mana sisa nuklear dari pembakaran bahan api nuklear. Untuk tujuan pengecualian ini, pembakaran hanya termasuk sebarang proses pembelahan nuklear sendiri.
- f) yang disebabkan oleh harta yang dilindungi oleh sebarang pelanggaran Undang-Undang dan prinsip Sivil atau Syariah oleh Peserta Takaful atau selain daripada sebarang sebab lain yang dilarang oleh Hukum dan prinsip Syariah.

**Nota:** *Senarai ini bukannya senarai yang lengkap. Sila rujuk Sijil Takaful untuk senarai penuh bagi pengecualian di bawah Sijil Takaful ini.*

#### **8) Bolehkah saya membatalkan sijil Takaful ini?**

Anda boleh membatalkan Sijil Takaful ini dengan memberi notis bertulis kepada pihak kami. Selepas pembatalan, anda layak mendapat pulangan Sumbangan Takaful untuk kadar pro rata bagi tempoh Sijil Takaful belum luput. Tiada pulangan Sumbangan Takaful dibenarkan jika ada sebarang tuntutan di bawah Sijil Takaful ini.

#### **9) Apakah yang perlu dilakukan sekiranya terdapat perubahan kepada maklumat untuk dihubungi?**

Adalah penting bagi anda untuk memaklumkan kepada pihak kami tentang sebarang perubahan mengenai maklumat anda bagi memastikan semua surat-menyurat dapat disampaikan kepada anda tepat pada masanya.

**10) Bagaimanakah saya boleh mendapatkan maklumat lanjut?**

Sekiranya anda memerlukan informasi tambahan mengenai *IKHLAS* Burglary Takaful, sila hubungi kami di:

**Takaful Ikhlas General Berhad**

Jabatan Pengurusan Perhubungan Pelanggan,  
IKHLAS Point, Tower 11A, Avenue 5, Bangsar South,  
No. 8 Jalan Kerinchi, 59200 Kuala Lumpur.

Tel: 03-2723 9696

Faks: 03-2723 9998

Laman sesawang : [www.takaful-ikhlas.com.my](http://www.takaful-ikhlas.com.my)

Emel: [ikhlascare@takaful-ikhlas.com.my](mailto:ikhlascare@takaful-ikhlas.com.my)

**11) Produk seumpama yang boleh didapati?**

- *IKHLAS* Money Takaful
- *IKHLAS* All Risks Takaful
- *IKHLAS* Fidelity Guarantee Takaful
- *IKHLAS* Equipment All Risks Takaful
- *IKHLAS* Plate Glass Takaful

**NOTA PENTING:**

**ANDA HENDAKLAH MEMASTIKAN HARTA ANDA DILINDUNGI PADA JUMLAH YANG BERSESUAIAN MEMANDANGKAN IA AKAN MENJEJASKAN JUMLAH TUNTUTAN. ANDA PERLU MEMBACA DAN MEMAHAMI SIJIL TAKAFUL DAN BERBINCANG DENGAN EJEN ATAU HUBUNGI PENGENDALI TAKAFUL UNTUK MAKLUMAT LANJUT.**

**MENURUT PERENGGAN 5 DARIPADA JADUAL 9 AKTA PERKHIDMATAN KEWANGAN ISLAM 2013, JIKA ANDA MEMOHON PRODUK TAKAFUL INI SEPENUHNYA UNTUK TUJUAN YANG TIDAK BERKAITAN PERDAGANGAN, PERNIAGAAN ATAU PROFESION ANDA, ANDA MEMPUNYAI KEWAJIPAN UNTUK MENGAMBIL LANGKAH PENJAGAAN MUNASABAH UNTUK TIDAK MEMBUAT SALAH NYATAAN SEMASA MENJAWAB SOALAN-SOALAN DALAM BORANG CADANGAN (ATAU APABILA ANDA MEMOHON UNTUK PRODUK INI). ANDA DIKEHENDAKI MENJAWAB SOALAN-SOALAN DENGAN LENGKAP DAN TEPAT.**

**KEGAGALAN UNTUK MENGAMBIL PENJAGAAN MUNASABAH DALAM MENJAWAB SOALAN-SOALAN MUNGKIN MENGAKIBATKAN PEMBATALAN SIJIL TAKAFUL ANDA, PENOLAKAN ATAU PENGURANGAN TUNTUTAN, PERUBAHAN TERMA ATAU PENAMATAN SIJIL TAKAFUL ANDA.**

**KEWAJIPAN PENDEDAHAN DI ATAS ADALAH BERTERUSAN SEHINGGA SIJIL TAKAFUL ANDA DIBUAT, DIUBAH ATAU DIPERBAHARUI DENGAN KAMI.**

**SEBAGAI TAMBAHAN KEPADA SOALAN-SOALAN DI DALAM BORANG CADANGAN (ATAU APABILA ANDA MEMOHON UNTUK PRODUK INI), ANDA DIKEHENDAKI UNTUK MENDEDAHKAN APA-APA PERKARA LAIN YANG ANDA TAHU SEBAGAI BERKAITAN KEPADA KEPUTUSAN KAMI UNTUK MENERIMA ATAU TIDAK RISIKO INI DAN MENENTUKAN KADAR TERMA YANG HENDAK DIPAKAI.**

**ANDA JUGA MEMPUNYAI KEWAJIPAN UNTUK SEGERA MEMBERITAHU KAMI SEKIRANYA SETELAH SIJIL TAKAFUL ANDA DIBUAT, DIUBAH, ATAU DIPERBAHARUI DENGAN KAMI, APA-APA MAKLUMAT YANG DINYATAKAN DI DALAM BORANG CADANGAN (ATAU APABILA ANDA MEMOHON UNTUK TAKAFUL INI) TIDAK TEPAT ATAU TELAH BERUBAH.**

*Informasi yang disediakan dalam Helaian Keterangan Produk ini adalah sah pada 01/12/2018*